

## SEFANIA

### *Utangulizi*

Sefania maana yake "Yeye ambaye Yehova amemficha". Sefania ni wa ukoo wa Hezekia (*Sef 1:1*). Inawezekana huyu babu anayetajwa akawa ni Mfalme Hezekia, mfalme wa Yuda, kutokana na ukweli kwamba ukoo huu umefuatiliwa kutoka mbali na muda husika unakubalika. Nabii Sefania alitumika wakati wa utawala wa Mfalme Yosia (639-609 K. K.). Sefania alionya kwamba siku ya BWANA ingeleta hukumu kwa Yuda pamoja na Yerusalemu, hivyo akawashauri Wayahudi watu na kumrudia Mungu (*2:1-3*). Uvamizi wa kuiteka Yuda kutoka kaskazini ulikuwa unakuja juu yao, nao ungekumba pia mataifa yanayoizunguka. Ingawa wasomi wengi wanahusianisha uvamizi huu na ule wa wa Wasinthia kuelekea kusini kutoka jimbo la Kaukaukasia uliotokea 630 K.K. kama ulivyoelezwa na Herodota. Inawezekana Sefania alikuwa anasema juu ya Wakaldayo, ambao ndio waliotimiza unabii huu wa huku kuharibiwa kwa Yuda mnamo mwaka 605-586 K.K. Ingawa hukumu ya Yuda umeainishwa, ahadi ya kufanywa upya ni yakini. Mtaifa yatahukumiwa na kutiishwa na Mfalme wa Israeli, anayetawala katika Sayuni.

### *Wazo Kuu*

Dhambi ambazo Sefania anazitaja juu ya Yuda na Yerusalemu zinaonyesha alizitabiri kabla ya uamsho wa matengenezo ya Yosia, wakati ambapo dhambi za waliomtangulia kutawala, yaani, Manase na Amoni, zilikuwa zinaendelea kutendwa katika jamii hiyo. Uamsho huo wa matengenezo haukutokea hadi mwaka wa 12 wa kutawala kwake Yosia (627 K.K.) ndipo mfalme alipotuma jeshi kwenda kulipatiliza taifa kwa ajili ya ibada ya sanamu na kurejeshwa tena kwa ibada ya kumwabudu Mungu wa kweli, yaani, Yehova. Baadaye Mika naye akaamuru kujengwa tena kwa hekalu la Solomoni na kulitakasa kipindi nakala ya Sheria ya Bwana ilipogunduliwa (*ling.2wafalme 22:1-10*). Kwa hiyo Sefania akatabiri kwamba mataifa yaliyokuwa jirani na Yuda yangeangamizwa pia. Aliwapa watu matumaini kwamba Mungu angewarudisha watu wake nyumbani.

### *Dhumuni*

Kuwaonya watu wa Yuda waepukane na kutosheka na maisha, waache kuabudu sanamu na wamrudie Mungu wao (YEHOVA).

### *Mambo Muhimu*

Mfalme Yosia wa Yuda alikuwa anajaribu kurekebisha hali ya uovu iliyosababishwa na tawala za wafalme wawili (Manase na Amoni) waliomtangulia katika Yuda. Yosia aliweza kupanua himaya yake kwa sababu kwa wakati wake hakukuwa na taifa jingine ambalo lilikuwa na nguvu. zaidi kwa maana nguvu za Ashuru zilikuwa zinaffia kwa kasi.

### *Mwandishi*

Sefania

### *Mahali*

Yerusalemu

### *Tarehe*

Maelezo ya Sefania kuhusu kudidimia kiroho na kimaadili kwa Yuda inawezekana yaliandikwa mwaka 630 K.K., lakini kuna uwezekano kwamba mahubiri ya kinabii yalimgusa sana mfalme na kusababisha mageuzi ya kiroho aliyoyafanya. Tarehe hii ya 630K.K. inazidi kuthibitishwa na ukweli kwamba Sefania hakutaja habari za Babeli iliyokuwa dola inayotambuliwa kimataifa. Babeli iliinuka mnamo mwaka 625 K.K. wakati Napolasa alipotwaa madaraka. Hata hivyo Sefania anatabiri juu ya kuharibiwa kwa Ashuru, jambo ambalo lilitokea mwaka 612 K.K., Ninawi ilipoanguka. Sefania aliishi wakati mmoja na Yereimia lakini wakati huo Yereimia alikuwa mdogo kwa Sefania.

### *Mgawanyo*

- Kutangazwa kwa hukumu ya Mungu. (*1:1-2:3*)
- Hukumu dhidi ya mataifa. (*2:4-15*)
- Maisha ya baadaye ya Yerusalemu. (*3:1-20*)



## SEFANIA

**2** Kusanyikeni pamoja, kusanyikeni pamoja,  
enyi taifa lisilo na aibu,  
<sup>2</sup>kabla ya wakati ulioamuriwa haujafika  
na siku ile inayopeperusha kama makapi,  
kabla hasira kali ya BWANA haijaja juu  
yenu,  
kabla siku ya ghadhabu ya BWANA  
haijaja juu yenu.  
<sup>3</sup>Mtafuteni BWANA,  
enyi nyote wanyenyekevu wa nchi.  
Ninyi ambao hufanya lile analoamuru.  
Tafuteni haki,  
tafuteni unyenyekevu,  
labda mtahifadhiwa siku ya hasira ya  
BWANA.

### *Dhidi ya Ufilisti*

<sup>4</sup>Gaza utaachwa  
na Ashkeloni utaachwa magofu.  
Wakati wa adhuhuri Ashdodi utaachwa mtupu  
na Ekroni utang'olewa.  
<sup>5</sup>Ole wenu ninyi ambao mnaishi kando ya bahari,  
Ee watu wa Wakerethi,  
neni la BWANA liko dhidi yenu,  
Ee Kanaani, nchi ya Wafilisti.

"Mimi nitawaangamiza,  
wala hakuna atakayebaki."

<sup>6</sup>Nchi kando ya bahari, mahali ambapo wanaishi  
Wakerethi,  
patakuwa mahali pa wachungaji na mazizi ya  
kondoo.

<sup>7</sup>Itakuwa mali ya mabaki ya nyumba ya Yuda,  
hapo watapata malisho.  
Wakati wa jioni watajilaza chini  
katika nyumba za Ashkeloni.  
BWANA Mungu wao atawatunza,  
naye atawarudishia wafungwa wao.

### *Dhidi ya Moabu na Amoni*

<sup>8</sup>Nimeyasikia matukano ya Moabu  
nazo dhihaka za Waamoni,  
ambao waliwatukana watu wangu  
na kufanya vitisho dhidi ya nchi yao.  
<sup>9</sup>Hakika, kama niishivyo,"  
asema BWANA Mwenye Nguvu zote,  
Mungu wa Israeli,  
"Hakika Moabu itakuwa kama Sodoma,  
Waamori kama Wagomora,

mahali pa magugu na mashimo ya chumvi,  
nchi ya ukiwa milele.  
Mabaki ya watu wangu watawateka nyara,  
mabaki ya taifa langu watarithi nchi yao."

<sup>10</sup>Hiki ndicho watarudishiwa kwa ajili ya kiburi  
chao,  
kwa kutukana na kudhihaki watu wa  
BWANA Mwenye Nguvu zote.

<sup>11</sup>BWANA atakuwa wa kutisha kwao  
wakati atakapoangamiza miungu yote ya  
nchi.  
Mataifa katika kila pwani yatamwabudu,  
kila moja katika nchi yake lenyewe.

### *Dhidi ya Kushi*

<sup>12</sup>"Ninyi pia, Ee Wakushi,  
mtauawa kwa upanga wangu."

### *Dhidi ya Ashuru*

<sup>13</sup>Mungu atanyoosha mkono wake dhidi ya  
kaskazini na kuangamiza Waashuru,  
akiiacha Ninawi ukiwa  
na pa kame kama jangwa.  
<sup>14</sup>Makundi ya kondoo na ng'ombe yatajilaza pale,  
viumbe vya kila aina.  
Bundi wa jangwani na bundi waliao kwa sauti  
nyembamba  
wataishi juu ya nguzo zake.  
Mwangwi wa kuita kwao utapita madirishani,  
kifusi kitakuwa milangoni,  
boriti za mierezi zitaachwa wazi.  
<sup>15</sup>Huu ndio mji uliotukuka na kuishi kwa furaha  
wakijisikia salama.  
Ulisema moyoni mwako,  
"Mimi ndimi, na wala hapana mwingine ila  
mimi."  
Jinsi gani umekuwa gofu, mahali pa kulala  
wanyama pori!  
Wote wanaopita kando yake  
wanauzomea na kutikisa mkono kwa  
dharau.

### *Hatima ya Yerusalemu*

**3** Ole wa mji wa wadhhalimu,  
waasi na waliotiwa unajisi!  
<sup>2</sup>Hautii mtu yeyote,  
haukubali maonyo.  
Haumtumaini BWANA,

## SEFANIA

haukaribii karibu na Mungu wake.  
<sup>3</sup>Maafisa wake ni simba wangurumao,  
watawala wake ni mbwa mwitu wa jioni,  
ambao hawabakizi chochote kwa ajili ya  
asubuhi.  
<sup>4</sup>Manabii wake ni wenye kiburi,  
ni wadanganyifu.  
Makuhani wake hunajisi patakatifu  
na kuihalifu sheria.  
<sup>5</sup>BWANA aliye ndani yake ni mwenye haki,  
hafanyi kosa.  
Asubuhi kwa asubuhi hutoa haki yake,  
kila kukipambazuka huitimiza,  
bali mtu dhalimu hana aibu.  
<sup>6</sup>"Nimeyafutilia mbali mataifa,  
ngome zao zimebomolewa.  
Nimeziacha barabara ukiwa,  
hakuna anayepita humo.  
Miji yao imeharibiwa,  
hakuna mmoja atakayeachwa, hakuna  
hata mmoja.  
<sup>7</sup>Niliuambia huo mji,  
'Hakika utaniogopa na kukubali maonyo!'  
Ndipo makao yake hayatafutiliwa mbali,  
wala adhabu zangu zote hazitakuja juu  
yake.  
Lakini walikuwa bado na shauku  
kutenda kwa upotovu katika yote  
waliyofanya.  
<sup>8</sup>BWANA anasema,  
"Kwa hiyo ningojee mimi,  
siku nitakayosimama kuteka nyara.  
Nimeamua kukusanya mataifa,  
kukusanya falme na kumimina ghadhabu  
yangu juu yao,  
hasira yangu kali yote.  
Dunia yote itateketezwa  
kwa moto wa wivu wa hasira yangu.  
<sup>9</sup>Ndipo nitatakasa midomo ya mataifa,  
kwamba wote waweze kuliitia jina la BWANA  
na kumtumikia kwa pamoja.  
<sup>10</sup>Kutoka ng'ambo ya mito ya Kushi  
watu wangu wanaoniabudu, watu wangu  
waliotawanyika,  
wataniletea sadaka.  
<sup>11</sup>Siku hiyo hutaabishwa kwa ajili ya makosa yote  
ulionitendea,  
kwa sababu nitawaondoa kutoka mji huu

wale wote wanaoshangilia katika kiburi chao.  
Kamwe hutajivuna tena katika kilima changu  
kitakatifu.  
<sup>12</sup>Lakini nitakuachia ndani yako  
wapole na wanyenyekevu,  
ambao wanatumaini jina la BWANA.  
<sup>13</sup>Mabaki ya Israeli hayatafanya kosa,  
hawatasema uongo,  
wala udanganyifu hautakuwa katika vinywa  
vyao.  
Watakula na kulala wala hakuna ye yote  
atakawewaogopesha."  
<sup>14</sup>Imba, Ee Binti Sayuni,  
Paza sauti, Ee Israel!  
Furahi na kushangilia kwa moyo wako wote,  
Ee Binti Yerusalemu!  
<sup>15</sup>BWANA amekuondolea adhabu yako,  
amewarudisha nyuma adui zako.  
BWANA, Mfalme wa Israeli,  
yu pamoja nawe,  
kamwe hutaogopa tena madhara yo yote.  
<sup>16</sup>Katika siku hiyo watauambia Yerusalemu,  
"Usiogope, Ee Sayuni,  
Usiache mikono yako ilegee.  
<sup>17</sup>BWANA Mungu wako yu pamoja nawe,  
yeye ni mwenye nguvu kuokoa.  
Atakufurahia kwa furaha kubwa,  
atakutuliza kwa pendo lake,  
atakufurahia kwa kuimba."  
<sup>18</sup>"Huzuni katika sikukuu zilizoamriwa nitaziondoa  
kwenu,  
hizo ni mzigo wa fedheha kwenu.  
<sup>19</sup>Katika wakati huo nitawashughulikia  
wote waliokudhulumu, nitaokoa kilema  
na kukusanya wale ambao wametawanywa.  
Nitawapa sifa na heshima  
katika kila nchi ambamo waliaibishwa.  
<sup>20</sup>Wakati huo nitawakusanya,  
wakati huo nitawaleta nyumbani.  
Miongoni mwa mataifa yote ya dunia  
wakati nitakapowarudishia mateka yenu  
mbele ya macho yenu hasa,"  
asema BWANA.

# SEFANIA